

466218
7226



册 4
卷 5-6

滇黔奏議卷五

湘鄉劉嶽昭蓋臣著

男錫楚謹編

奏陳尋匪分竄官軍獲勝馬龍解圍餉道無阻並派

軍合攻尋城摺子

同治八年正月

奏爲尋賊分股竄擾官軍疊獲大勝馬龍州城解圍露

益餉道無阻現在調派勁旅合攻尋城恭摺仰祈

聖鑒事竊

臣

於同治七年十二月二十五日在馬龍州行

營將尋匪猖獗各營退守情形由驛具

奏在案曲靖爲迤東門戶與省城利害相因必應力加

保護

臣

於二十六日將馬龍州城布置後卽馳回郡

城督同各文武等嚴密守禦以鎮人心所有馬龍州防務責成四川候補道劉嶽曙總兵胡志祺宋華美王與仁副將周致友吳才高等辦理撫臣岑毓英揀派副將楊國發游擊吳永安守備楊秉仁帶勇助剿維時尋甸逆首楊標奇姚小七等於二十五日率眾萬餘至王家莊一帶焚掠官軍出戰賊勢稍退至二十六日賊將前後對山紮定圍攻昭通鎮總兵李家福營盤援軍衝突多次均未得手賊遂直竄馬龍州二十七日賊從四山包抄而來勢同蜂擁楊國發吳永安督隊在南北兩門接仗斬馘甚多賊於是夜分

踞大小龍井湖瓜田腳達山松子山等處四面圍緊
晝夜撲城勢甚危急劉嶽曙督同署馬龍州知州饒
文謨守備郭映祥等登陴守禦並派各營於二十八
九等日突圍截擊臣又派吳奇忠率帶勁旅自雞頭
村橫出始將糧路開通八年正月初四日賊眾攻城
我軍以大礮轟擊當即敗去初五日夜楊國發吳永
安楊秉仁會剿大小龍井胡志祺宋華美周致友等
往攻湖瓜田吳才高劉青煦等帶隊接應其時賊匪
猝不及備楊國發吳永安等分路殺入六品軍功王
天長被陷賊中即率眾殺出立將賊營入座蹋毀斃

賊數百人其湖瓜田等處賊營胡志祺等縱火焚燒
乘勢圍殺賊遂紛紛驚潰黑夜狂奔城圍立解官軍
追至滄浪鋪始行收隊王家莊踞匪恃眾抗拒經各
路官兵奮勇直前該逆自度力不能支焚寨而逃當
將附近村堡一律收復此賊撲馬龍州城官軍擊敗
解圍之情形也又逆首馬截四率眾數千竄踞霑益
屬之三營張安壘各村裹脅甚眾該州乃文報餉需
必由之路儻被阻遏必致貽誤事機臣飛飭知府銜
候選同知岑毓祥署知州孫逢源會同總兵謝景春
副將張松林參將安紹欽等竭力守禦撫臣所派都

司陳發昌帶練駐防州城十二月二十六七等日賊
隊將及城邊官軍先出迎擊斃賊甚眾賊卽卻退八
年正月初一三四等日賊由麻拉繞道圍攻松林堡
經署炎松巡檢馬懷裕帶同團首祿天純等與賊接
仗三次謝景春等自城內出隊應援安紹欽由卡郎
截擊先後斃賊二百餘人擒斬僞將軍桂大僞軍師
盧鼎衡等三十餘人時游擊李廷標一軍經撫臣調
派到曲由三岔進攻麻拉賊巢賊見曲霑兩路重兵
齊集先行奔潰所有三營等處地方當卽收復臣已
示諭被脅之民准其投誠免死陸續歸業甚多驛路

往來無阻此霑益州餉道疎通之情形也伏查尋匪
此次分竄本圖占踞馬龍上通省城下窺曲靖其擾
及霑益又欲阻絕餉道牽制援兵幸得官軍齊力兩
州得保無虞東昭三郡亦皆安堵如昔堪以仰慰

宸厯

臣

已函商撫

臣

厚集兵力飭令李廷標安紹欽由二

營進剿吳奇忠統領忠義長勝各營由麥廠前進楊

國發吳永安楊秉仁由易隆前進均令合攻塘子老

巢劉嶽曙帶同李家福謝景春等仍由七星橋進取

署昭通鎮總兵全祖凱督同署參將柳明泰游擊潘

體仁由功山柳樹河進剿至撫臣所派之楊玉科岑

寬德呂鎮南等已於正月初六七日將柯渡可郎攻克斬首千餘現在乘勝進攻入甲果馬以圖規復尋甸臣飭守備任順有招集鄉練仍由果馬進剿俾得熟悉情形似此面面進攻必期早克堅城蕩除餘孽曲靖馬龍霑益仍分布各營用備緩急撫臣恐郡城兵力單薄札委候選知縣岑毓琦帶練一千五百名現已到防分別布置所有此次解圍殺賊異常出力之員弁合無仰懇

天恩俯准將補用副將楊國發免補本班以總兵補用候補游擊吳永安劉青煦均免補本班以參將補用劉

青煦並加副將銜知府銜候選同知岑毓祥免選本班以知府不論雙單月遇缺卽選候補守備楊秉仁郭映祥均免補本班以都司儘先補用署霽益州事儘先補用同知孫逢源

賞戴花翎代理馬龍州事試用府經歷饒文謨免補本班以知縣儘先補用署炎松巡檢事候補從九品馬懷裕免補本班以府經歷縣丞卽補候選府經歷楊達賞加五品銜藍翎六品軍功王天長祿天純均以千總卽補加守備銜文童李廷杰以從九品不論雙單月儘先卽選並

賞戴藍翎以示鼓勵出自

逾格鴻施其餘在事出力員弁及傷亡兵勇容臣查明彙
案懇請獎卹所有尋匪分竄官軍獲勝馬龍州城解
圍霑益餉道無阻並調派勁旅合攻尋城各緣由謹
繕摺由驛馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

PLATE I

7

奏陳整軍進剿並滇省艱窘情形摺子

同治八年三月

奏爲整飭諸軍分別戰守牽制賊兵相機進剿並瀝陳滇省艱窘實情恭摺仰祈

聖鑒事竊臣於本年二月二十二日承准軍機大臣字寄同治八年正月二十五日奉

上諭劉嶽昭奏尋甸援賊披猖暫行退守自請嚴議一摺滇匪反覆無常雖屬慣技而劉嶽昭辦理此事毫無把握殊負委任卽著懍遵昨日諭旨馳赴前敵等因欽此仰見

皇上洞鑒萬里指示方略至爲周密臣跪誦之下欽悚莫

名查臣於正月十六日曾將馬龍解圍賊匪敗退各情形由驛

奏報在案其時尋匪雖已歸巢而曲靖一城未忘窺伺

臣正在布置間忽接准撫臣咨稱楊林被圍甚急必須增兵防堵擬調副將何秀林李廷標二軍前往救援臣當卽飛檄該副將等馳往並添派副將楊國發一軍由馬龍接應又飭副將張兆顯參將柳明泰各帶民兵迅赴省城聽候撫臣調遣參將安紹欽於霑益宣威各屬挑選民兵二千名駐紮三營一帶牽制賊勢旋據何秀林稟報賊勢猖獗異常官軍眾寡不

敵以致營盤失陷查其敗潰情形不勝焦灼之至臣
自當卽率所部奮力前趨而無如楚軍之人數無多
曲靖之空虛可慮以大局而論則省城重而曲靖輕
台形勢而籌則曲靖之關繫實與省城無異儻曲靖
有失則三郡分擾餉道不通省城之危可立而待正
擬咨照撫臣如前以攻剿尋甸牽制賊兵爲善策隨
准撫臣來咨意見正復相同蓋尋甸爲該匪老巢斷
無不顧之理官軍一至則省城之圍可鬆楊林之賊
又當分奔往救此勢所必然者也當經臣派令總兵
謝景春卽率所部駐紮霑益督同參將安紹欽嚴扼

三營隘口又派都司吳奇忠駐紮王家莊其馬龍州地方與邑市楊林犬牙相錯賊匪出沒無常最易侵擾仍飭令道員劉嶽曙統帶果後全軍在彼駐紮至東川鐵廠一帶已嚴飭總兵全祖凱選調昭通鎮屬制兵前往並委同知夏源會同東川文武調集民團協力守禦如其機勢可圖則各路之兵可約期而並進即使賊蹤飄忽而要隘之處已無隙之可乘至臣前募之果勝七營滿擬川餉每月三萬可備支發乃臣到營後其解交臣營者僅祇一萬兩又復以七千兩解赴省城半年以來惟恃挪借楚勇口糧以資餉

口顧此失彼刻刻有譁潰之虞是以萬不得已於正月內全行遣散計此時之賊匪乃愈添而愈多此時之官兵則愈裁而愈少昨准成都將軍崇實四川總督吳棠來咨業經

奏派前任雲南提督唐友耕總兵唐大有等統軍援滇臣已飛咨該提督迅速前來自敘南一路取道東川功山進攻尋甸北路卽由馬龍三營王家莊柯渡四面會合齊力圍剿庶可一鼓殲除無憂竄越抑臣更有進者夫

朝廷以全省之重委之疆臣兆姓以億萬之多仰之大

吏其因循苟且意存欺飾者固屬罪無可辭然或隱
真情而不告見利害而不言又何以對

君父下對蒼生臣用敢將雲南艱窘情形敬爲我

皇上陳之查滇省當十餘年變亂之後經數老成不治之
餘其糜爛情形卽較之創亂之粵西久亂之江浙有
過之無不及也而臣所部之勇祇二千餘果後後軍
亦不滿三千撫臣練勇增減靡常其得力者亦堪指
數以數營單薄之師當巨萬兇橫之寇其不能殺敵
致果已屬顯然況合計年來所入餉銀總不過十餘
萬兩而又非一時所至每聞有一二萬餉項將來莫

不延頸跂足如望雲霓比及解到而前挪後空不過
一二日間卽已化爲烏有伏查近年川兵援剿階州
一年之間費餉將及二百萬區區一城尙且如此則
滇省又當何如再如臣前在貴州辦理仁懷綏定正
安以及沙窩牛場不下十餘處今來滇中一籌莫展
漫無把握臣雖至愚極陋力小才疎又何至始終異
轍前後判若兩人然而竟至如此者則以在黔之餉
糈不致太缺而在滇之餉糈實難接濟也夫滇民之
翻旗非從賊也免死而已使餉重兵多可保其必不
翻旗矣鄉團之潰散非違令也逃生而已使餉重食

多可保其必不潰散矣若得餉足則此病悉除而禍
亂可以潛止臣於去年四月入滇以爲民練素稱強
悍足資攻戰迤東各屬亦俱完善卽或各省協餉不
能踴躍尙可在本省就地籌畫以備緩急斷不料地
方疲敝一至於此臣若再存希冀欲僥倖以圖功則
一誤再誤終至不可救藥儻蒙

皇上逾格仁慈俯垂觀聽念白戰不可以制敵赤手不可
以成功請

旨飭下浙江江西湖南廣西山西四川廣東將歷年欠解
滇餉查照前議數目於三箇月內全數起解來滇以

解此倒懸之厄果能如數如期毫釐不爽則臣自當
分別籌畫以若干顧省城以若干顧各路以若干置
諸公中以備緩急然後募練兵以壯戎行懸重賞以
招奮勇將士之疲瘡頓起地方之困憊亦舒顧臣所
求尙不及階州一城之費念此全省瘡痍原非奢望
然較之現在艱窘情形已不啻天淵之隔儻餉到之
後仍復無成效可觀則

國法具在臣亦無所逃罪矣所有臣整軍進剿及瀝陳
艱窘情形各緣由理合繕摺馳陳伏乞

皇太后

皇上聖鑒訓示遵行謹

奏

軍機大臣奉

旨另有旨欽此

附奏已革將弁畱營効力並訊明不法副將賀連璧

正法片子

再總兵謝景春因撤營不報經臣奏參奉

旨革職隨查該總兵當撤營之時適值中路民團翻旗從
賊道路不通以致未能飛報失誤尙屬有因該總兵
人尙誠樸打仗最肯出力已革知縣謝培元被參後
深知愧奮臣現飭謝景春駐紮霑益並令謝培元隨
往効力以贖前愆總兵全祖凱前在望城坡未能約
束民兵以致臨陣潰散臣現經派令赴東川鐵廠一
帶相機堵剿如再玩忽卽予從嚴參辦惟副將賀連

江黑考記 卷五
璧情性乖張行爲跋扈前在尋甸時駐紮金所地方
失陷營盤以致謝景春等各營皆爲震動臣因其平
日尙稱勇敢故暫請革職畱營以冀其稍知愧悔改
過自新詎料該副將被參後心懷怨望出言狂悖復
於散勇時搖惑軍心種種不法斷難再事姑容臣已
於二月初六日訊明後恭請

王命將該副將賀連璧正法以儆效尤昨奉

寄諭如再有似此畏蕙等情卽按照軍法從重懲辦毋稍
姑息臣惟有懍遵

聖訓嚴加整飭俾肅軍紀而警疲玩理合附片具陳伏乞

聖鑒謹

奏

軍機大臣奉

旨知道了欽此

奏陳進攻尋匪並分兵援應普安摺子

同治八年四月

奏爲派營進攻尋甸賊巢並因澂江府城復失分兵保護宜良糧路及救援普安廳城以期兼顧恭摺具陳

仰祈

聖鑒事竊臣於本年三月初六日會將整飭諸軍分別戰守各情形由驛具

奏在案查尋甸地勢最寬環城三十餘里山重水複賊恐官軍四面合圍傾其巢穴遂結死黨林立礮樓示弱深藏懈我兵力經臣探實情形派令道員劉嶽曙帶營駐紮馬龍上下策應其餘所部飭道員劉嶽峻

會同昭通鎮總兵李家福等分紮王家莊水坪子已
革總兵謝景春督帶護衛各營取道三營進紮爬格
口以參將安紹欽之鄉練爲嚮導都司吳奇忠等管
帶忠義長勝各營進紮中河麥廠以楊達張自發之
練爲接應前派之署昭通鎮總兵全祖凱挑選綠營
額兵並昭魯民練前赴功山鐵廠堵剿尙未到齊官
軍數本無多近又愈分愈少不得不慎益加慎臣嚴
飭各軍步步移營擬於本月十二日親赴王家莊調
度設法雕剿往來攻擊使其智力俱窮祇候川軍一
到併力合進可期得手乃布置甫定突於初十日接

准撫臣函稱澂江府城失守欲臣親率隊伍馳赴宜
良臣聞信之下不勝焦灼本擬剋日啟行奈臣部及
劉嶽曙之軍均已進紮要隘斷難撤回隨卽飛飭都
司柳明德一軍卽時開拔迅赴宜良復催調全祖凱
卽率所部亦赴該縣由撫臣就近調遣則內外夾擊
糧路當可無虞又本月十四十六等日接據貴州普
安廳同知吳宗蘭六百里稟報新城賊匪大股萬餘
圍逼廳城甚亟游擊易飛熊戰後兵潰不知下落立
請援救等情查普安與曲靖平彝羅平等處犬牙相
錯儻該廳有失則曲靖必爲震動當滇事萬分喫緊

之時不意變生肘腋不得不勉籌兼顧用保危疆當
卽札飭興義營劉官禮並平彝縣團首廩生張旭中
各帶隊一千名星馳分投往救並重懸賞銀激勵士
卒以期迅解重圍免滋竄擾是臣現在暫駐曲靖亦
正四面受敵之區臣如親赴尋甸必須省城糧路疏
通援師齊集方免顧此失彼且臣所部楚勇甚單兼
之川省月餉本年祇解到一次不過一萬餘兩至各
省協餉及釐金條糧釐穀捐款均須解赴省城以顧
根本臣之艱苦早在

朝廷洞鑒之中此時惟有分別重輕相機辦理斷不敢徼

倖圖功亦不敢因循貽誤以期支持危局所有辦理
尋匪及分兵援應各情形理合繕摺馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

奏陳官軍進剿尋匪獲勝並西南漢回投誠摺子

治天年五月

奏爲官軍進剿尋匪大獲勝仗已將七星橋文筆山章格各隘全行掃蕩西南塘子一帶漢回村寨懾於軍威悉數投誠現在飛飭各營圍攻州城恭摺仰祈

聖鑒事竊臣於本年四月二十三日將派營進攻尋甸並因澂江府城復失分兵保護糧路緣由由驛具

奏在案查尋匪據險爲巢設礮守隘悍黨最多如七星橋文筆山章格等處最爲著名奇險臣前次布置各營粗已就緒詎料澂江府城有復失之變不得不將

總兵全祖凱一軍調赴宜良先顧省城糧路該總兵
趕至曲靖卽接據探稟附省之小偏橋蕭家山神羊
寺等處賊壘均經撫臣提臣督隊攻克大獲捷勝糧
路疏通並接准撫臣來函大略相同臣思省垣之賊
稍鬆則尋甸之攻宜急當將全祖凱改調仍由功山
進剿並飛飭道員劉嶽曙與總兵李家福謝景春等
聯絡聲勢相機剿辦茲於本月初三日酉刻接據該
文武等稟報初三日寅刻道員劉嶽駿總兵胡志祺
鍾福俊副將朱明英王蔭南朱連勝王維金等帶隊
分三路進攻其七星橋之下山溪橫阻水勢漸深該

弁勇等涉淺搶過左右包抄與賊接仗相持兩時之
久立克大小礮樓十餘座殲斃髮逆四百餘人生擒
僞將軍僞大司馬陳春鄧美李小老等四十餘名奪
獲器械甚夥當將七星橋文筆山賊卡全數掃蕩各
卽分別紮營又總兵謝景春副將張松林已革候選
知縣謝培元等同日自三營拔隊出賊不意攻破章
格等處賊卡中路肅清此進攻尋甸已克水陸要隘
之大槩情形也尋甸西南之塘子集賢村等處二十
餘寨上年均爲賊脅臣派令候補都司吳奇忠帶領
忠義各營進紮中河麥廠原爲進規塘子之計前據

道員劉嶽曙吳奇忠稟稱塘子回目馬廣具呈投順
轉稟到臣臣以滇匪旋撫旋變乃其慣技當卽批飭
勒兵進攻相機審察初四日復據稟稱塘子回目馬
廣前曾署理易隆汛把總因髮逆襲踞尋城被逼入
黨現在官軍四路進剿該回民震懾軍威均願自拔
來歸投誠贖罪並將杜逆所發僞印三顆僞札二件
呈繳前來臣思該回民實繁有徒因奸匪造爲滅回
之說以致疑懼交深固結莫解今旣去逆效順似當
迎機利導以風其餘當飭吳奇忠帶同各營進駐塘
子蔑鼠隴等處並徧給告示安撫歸業不准兵練騷

擾其各村壯丁如有可用者無論漢回挑作鄉兵暫
交馬廣管帶以資鈐束而安反側此西南塘子一帶
被脅漢回投誠就撫之實在情形也臣查尋匪回竄
逆燄復張此次我軍於數日之間將要隘全行攻克
賊膽已寒臣一面嚴飭各該文武激勵將士迅拔州
城惟剿撫事宜極爲繁重臣檄委鹽法道彭瑞毓迤
東道蔡錦青星夜馳往會同籌辦以期周妥如果尋
旬得手則嵩明省圍似不難迎刃而解現已飛咨撫
臣提臣乘勢掃蕩附省賊壘俾得迅解城圍保全危
局除將出力員弁存記統俟克復城池再行請獎傷

亡弁勇彙案辦理外所有官軍進剿尋匪各緣由理
合繕摺由驛具

奏伏乞

皇太后

皇上聖鑒

訓示遵行謹

奏

軍機大臣奉

旨另有旨欽此

附奏尋城及嵩明逆目均懇請求撫片子

再臣正擬封摺拜發間接據該文武各員弁等稟稱官軍於攻克文筆山後聲威大振又得降人馬廣率帶該處團眾意圖立功贖罪齊心合力奮勇直前尋城逆匪閉城不出其回目馬天順等心懷畏懼懇請求撫等情臣素知回逆反復變詐饑附飽颺是其慣技若遠許就撫既恐墮其計中並恐難於持久仍批令該文武等併力齊攻果其畏懼屬真再准投誠庶可免其後患又嵩明逆目李芳元前懇嵩明生員李忻赴臣營求撫經臣發給諭帖准其立功自贖現因

江表志卷五
我軍勢盛又聞川兵不日將至其悔罪投誠之心似
屬真切容俟體查情形分別辦理再行據實附陳謹

奏

軍機大臣奉

旨另有旨欽此

奏陳分派官軍援省並馳救普安摺子

同治八年六月

奏爲分派官軍馳赴省垣會剿並越境援救普安廳城

兼顧滇黔邊境以遏賊氛恭摺仰祈

聖鑒事竊臣前於五月十六日將克復尋甸州城及擬抽

兵援省緣由具

奏在案查近省賊壘環列如林經撫臣提臣親督官軍

晝夜攻剿掃蕩甚多惟江右館巨巢高壘深溝西南

之碧雞關虹山等處負隅如故以致省城尙未解嚴

臣飭令統領後軍之四川道員劉嶽曙將所部各營

分布尋甸馬龍要隘以顧省城後路且爲迤東聲勢

其尋甸安撫各事宜並飭令畱川補用道劉嶽峻會同該地方官妥辦臣將各營調回派令記名提督昭通鎮總兵李家福督同總兵鍾福俊副將王維金都司吳奇忠各率所部由曲靖赴省於六月初三日拔發臣已面授機宜並移會撫臣提臣以收通力合作之效至貴州普安廳城近接滇疆犬牙相錯臣前次業經

奏明先派平彝團練會同興義府營會剿其時尋甸未克臣部軍力難分隨接普安廳同知吳宗蘭疊次飛稟苗匪巖大五一股糾眾萬餘圍撲廳城勢甚猖獗

請卽發兵援救 臣前在黔省辦理軍務稔知巖逆死
黨最多上游遭其蹂躪已歷有年此次直撲普安非
特意在黔邊更恐蔓延滇境該處距貴陽較遠其進
兵之路已爲賊阻 臣不得不勉籌兼顧當派副將張
松林都司劉奇義各帶一營會同撫 臣所派之都司
陳發昌由平彝縣黃泥河出境前往救援惟是賊眾
兵單道路紛岐必應內防外剿庶免奔突查有前署
平彝縣事元謀縣知縣任傳綸熟悉情形現檄會同
張松林等沿途召號鄉團互相連絡其滇境守禦事
宜又飭平彝縣候補知州文鴻盛就地設法剿社鼠

越臣將東路辦理稍有端倪立即馳赴省城會籌全局乃接昭通府知府英文游擊長德等稟報統帶援軍前任雲南提督唐友耕頭隊入境之時卽有奸匪造作滅回之言以致魯甸等處回民各生疑慮守寨自固隨後有商販中途被劫之事該漢紳等卽赴府縣衙門呈控請畱川軍在昭剿辦轉稟到臣臣前有訪聞已委員馳往彈壓並出示曉諭惟現在省圍未解而昭通完善之區更宜力加保護儻或激成他變實屬關繫匪輕臣飛咨唐友耕督隊前進一面飭令署昭通鎮總兵全祖凱統帶兵練馳回魯甸駐紮相

機辦理臣俟東路人心漸定後路無虞卽行進省庶
不致受其牽制所有分派官軍援省並馳救普安各
緣由理合繕摺由驛馳

奏伏乞

皇太后

皇上聖鑒訓示謹

奏

軍機大臣奉

旨另有旨欽此

滇黔奏議卷六

湘鄉劉嶽昭蓋臣著

男錫恩鎮楚謹編

奏報官軍援剿普安立解城圍摺子

同治八年七月

奏為官軍援救普安剿賊大勝立解城圍恭摺具報仰

祈

聖鑒事竊照滇黔毗連之普安廳於本年四月內被新城
逆匪勾結苗逆巖大五等率黨萬眾圍撲城池經署
同知吳宗蘭會同營員督率紳練晝夜登陴竭力固
守臣疊據稟報飛咨貴州撫臣曾璧光調兵會剿並
飭署興義府知府葉正邦護興義營游擊劉官德都

司包於蓮等先往援救署平彝縣事候補知州文鴻盛一聞警報卽派軍功楊德溥帶練一千名籌給經費馳往堵擊臣於克復尋甸州城後勉力抽派副將張松林都司劉奇義各帶所部勇丁又檄知縣任傳綸沿途號召鄉練聯絡聲勢以期迅解城圍其邊境守禦事宜文鴻盛派令增生張旭中妥爲布置均經奏明在案六月初十日張松林劉奇義任傳綸等帶隊到普貴州撫臣所派之署安義鎮總兵楊發貴副將池有蓮參將楊得勝趙明清等亦先後抵境與前署同知吳宗蘭接署同知李斌等會商附城之劉官生

陸官里老官里老巴里支家里稽家里等處賊營三十餘處其地險賊悍者又麇聚於高家里晝則羣伏不動夜則四出環攻最爲兇狡該文武等審察形勢必須先破堅巢其餘自應瓦解十一日黎明先令鄉練作爲嚮導布列山下賊皆守寨不出從山頂施放鎗礮居高禦下多被擊傷鄉練佯敗退走賊卽大隊追出誘至平地張松林劉奇義先派兩路奮勇從山後攀援而上各路兵練正與支家里陸官里等處踞匪接仗賊勢彼此不顧張松林劉奇義與賊鏖戰兩時之久斃賊數百人後山之軍已用火箭射燃里內

賊棚當卽驚亂我軍直追上山張松林劉奇義首先衝入寨頂各軍自陸官壘老巴壘稽家壘等處掃蕩而前四面圍攻斃賊一千餘人生擒一百三十餘人斬於陣前其墮巖落澗者無算賊遂狂奔我軍追至輓橋哨有劉官壘支家壘潰匪從旁竄出經張松林等登時擊散葉正邦楊發貴督同守備董懷經軍功鍾占魁李紹唐亦各分路窮追至普安縣屬之江西坡地方距廳城已一百三十餘里敗賊散走無蹤探係爬山越嶺竄歸新城老巢惟該處賊踞十有餘年非倉猝所能深入且道路已成荆棘無地可辨米糧

不得不暫行收隊其普安縣城經游擊易飛熊署知縣牟謙篤帶領兵團併力防剿廳屬之坎者古德冷風口一帶賊壘十餘處先後被都司包於蓮守備孫承忠等攻克擒斬甚多四至地面復經吳宗蘭李斌等周歷搜捕現均一律肅清由該文武具稟到臣查新城賊匪勢極披猖圍困普安已踰三月如令其盤踞蔓延實爲兩省邊患所幸該地方文武齊心堅守赴援各軍雖當糧餉兩絀俱能奮勇爭先臣揀派之副將張松林都司劉奇義知縣任傳綸等取道平彝由亦資孔捷徑星夜奔馳到境喘息未停卽能會

軍剿賊立解重圍城中十餘萬生靈咸有再生之慶
辦理尙合機宜所有在事尤爲出力之文武紳團兵
勇臣已查明隨摺開具清單恭呈

御覽合無仰懇

恩施以示鼓勵出自格外

鴻慈除將張松林劉奇義等營札調回曲仍飭楊發貴葉
正邦劉官德等乘勝進攻新城賊巢並查明傷亡兵
勇彙案辦理其黔省紳團另由貴州撫臣覈獎外所
有官軍援剿普安立解城圍各緣由理合繕摺由驛
馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

Handwritten text on the right margin, possibly bleed-through from the reverse side of the page. The text is partially obscured and difficult to decipher, but appears to include the characters "11" and "14".

附奏分別漢回解散脅從並親赴省垣派諸將合剿
迅解城圍片子

再省圍未解臣前飭昭通鎮總兵李家福督同總兵
鍾福俊王維金吳奇忠等各率所部開拔赴省與撫
臣提臣會籌攻剿頃據該鎮稟報省軍進規祿豐易
門安甯昆陽新興等州縣附城賊壘負固如常我軍
現紮南門之大梵宮三節橋田壩等處現擬截斷該
逆糧路即可會攻江右館一帶巨巢又飭馬天順帶
領民兵五百名赴省由提臣調遣令其立功贖罪臣
接據普安解圍之捷卽擬將張松林劉奇義等營調

回親帶赴省適接署昭通鎮全祖凱及各委員等稟
稱回眾實係紮營自固漢民意在報仇必欲剿回提
臣唐友耕因漢民阻止尙無拔營援省確期等情臣
以昭魯之事本起於奸匪浮言其中附和者眾如不
分別重輕權宜辦理非特宣威威甯等處羣起驚疑
鋌而走險且恐三迤安分之回聞風生變實於大局
有關臣與撫臣提臣出示曉諭並飭全祖凱會同該
地方文武嚴拏滋事首犯設法解散脅從先行保護
漢民村寨免其藉口又密飭東川府孔昭鈞體察實
在情形再行酌辦統俟稍有端倪臣卽馳赴會垣與

撫臣提臣通籌全局庶咽喉無梗阻之虞肘腋無倉猝之變至道員劉嶽曙所部前經

奏明駐紮尋甸馬龍各隘所有尋甸善後事宜漸有條理現派該道之後軍提督胡志祺副將王蔭南李志高黃正久等四營馳赴省垣與李家福等合力會剿以期迅解城圍惟臣進省在卽東路漸覺空虛隨處宜防緩急仍飭該部酌畱數營擇要分布以壯聲威而期周密爲此附片縷陳伏乞

聖鑒謹

奏

沈氏... 卷二

軍機大臣奉

旨另有旨欽此

奏陳昭魯回務情形並起程赴省日期摺子

同治八年八月

奏爲昭魯回務委員相機辦理臣卽馳赴省垣恭摺仰

祈

聖鑒事竊查昭通魯甸漢回本係雜居遇事每生嫌隙自
同治五年剿辦馬富貴等之後地方漸就肅清上年
西逆大股下竄省城危急該處回民頗臻安貼東路
餉源賴以無阻本年四月內提督唐友耕自川帶兵
來援將次入境忽有昭通奸匪播散流言傳稱唐友
耕先滅昭通一帶回人再行進省唐友耕原籍昭通
大關廳人所部名爲川軍實俱滇練其中游手無賴

之徒在所不免昭通民本强悍增以唐軍六千之眾
遂有恃而不恐其以復仇爲辭齊赴昭通府恩安縣
衙門闐闐請畱援軍先辦昭回於是魯甸威甯各處
回民間風據險疊出剽掠東昭大路遂多梗塞疊據
該文武據情轉稟並准唐友耕咨商前來臣查漢回
不和本非始於今日而川軍援剿事莫重於省城當
經咨請唐友耕拔營前進一面出示剴切曉諭並飭
署昭通鎮全祖凱楚雄府知府吳春然馳往體察情
形保護漢民村寨並嚴拏爲首滋事唆使之人懲儆
了事以冀保全完善詎料全祖凱到後唐軍已與昭

魯回眾接仗數次互有損傷全祖凱暫就龍寶山要
路紮營長寨五里坳魚脊等回復來攻撲立經擊退
陣亡額外錢忠祿一名以眼前情形而論言撫則唐
軍固結已不可解漢人之勢有若燎原言剿則昭魯
本來無事之區一變而爲鋒鏑則餉道釐金在在堪
虞全滇命脈將有不堪思議者且此次回民李本忠
等紮營自固始因滅回之謠繼求自全之計與他處
公然叛逆者本有不同臣與撫臣提臣往復函商意
見相合現經咨請四川將軍臣崇實總督臣吳棠催
令唐友耕迅卽拔隊援省毋爲浮言所動逗遛昭通

一面飭全祖凱明于解散暗爲隄防並加派前署昭
通鎮楊盛宗添募勁練一千名前往會辦如唐友耕
業已開拔而昭魯回民依然負固則勢難中止自當
立予殲除設或唐友耕擁兵不進依違其間旣已開
釁於事前復置省圍於不顧執成見而昧重輕臣亦
當會同撫臣據實

奏參不敢稍存回護至東川與昭接壤已飭東川府知
府孔昭鈞會同署東川營參將劉萬勝督率兵團擇
要防堵孔昭鈞熟悉回情具有膽識並令與全祖凱
楊盛宗等相機辦理現在尋甸善後已漸次告竣普

安亦已解圍昭魯均經派員辦理臣自應馳赴省垣會籌全局現定於八月二十六日起程進省軍務一切總與撫臣提臣和衷商辦以期迅解城圍仰副朝廷厘念邊陲之至意至省中近日軍情俟臣到後卽當查明切實具

奏所有現在昭魯回務情形及微臣進省日期理合繕摺由五百里馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

附奏東南賊當投誠省圖不難立解片子

再臣正拜摺間接准提臣馬如龍飛咨前經會商撫臣先後派兵將安甯之獨樹鋪上下班鳩村長坡等處賊壘攻破該逆歸路已斷勢甚窮蹙一面出示曉諭宣布

朝廷威德示以剿撫兼施卽有駐紮南關外西嶽廟之賊首段成功蔡廷棟等情願獻營投誠立功贖罪當與撫臣再四密查實係出自真誠十三日夜提臣力疾親督弁勇並會同撫臣及總兵李家福各帶隊伍前往辦理該偽首領段成功蔡廷棟自率所部五千餘

人伏地請罪所有省城南門外白衣庵朝陽庵雙龍橋黑龍廟土橋西嶽廟天廚宮玉皇閣南壩大梵宮蕭公廟彌勒寺西壩白馬廟大觀樓一帶賊壘礮樓礮臺共六十餘座全行收復現在分兵駐紮一面安置降眾其西壩以下各賊壘亦卽派兵攻剿旋據李家福稟稱情形無異臣查省城東南賊營旣已投誠省圍不難立解現已咨會撫臣提臣並飭李家福乘勝進攻臣卽於二十六日馳赴省城會籌一切以期迅解城圍上紓

宸慮至收復各賊營詳細情形仍由撫臣具奏理合附陳

儀

聖鑒訓示謹

奏

軍機大臣奉

旨知道了欽此

真齡奏義

卷六

七

會奏添派官軍剿克楚雄等城摺子 同治八年九月

奏爲添派官軍分路進剿連克楚雄南安定遠等府州

縣三城恭摺仰祈

聖鑒事竊臣毓英前將省城解圍並攻克大姚廣通安甯
等州縣城池大槩情形馳

奏在案嗣卽分派各軍以吳永安岑毓寶何秀林邵天
貴譚美李朝相柳明泰楊聯桂龍汝霖劉步龍楊好
清韓珍及李家福所派之鍾福俊吳奇忠等圍攻土
堆賊壘以馬忠潘文元李廷標牟永昌楊福章王永
安林桂清等分路進攻澂江府城飭李維述督催張

士進沈朝覲及派往助剿之革職畱營副將呂鎮南等進取楚雄李維鏞劉書堂王瑞蘇斯洋等圍攻南安並派王鍾祥等助剿定遠楊謙李壽椿等助剿祿豐楊林李長春等助剿昆陽分投拔發去後隨據稟報李維鏞等圍攻南安州城正在得手於八月二十日忽有鎮南大股賊匪由楚雄大小驃川來援將子母街疊蛟山下奪寶萬家房以口誇一帶連紮十數營意欲接通城內經李維鏞劉書堂親督勇目楊正旺等專剿援賊畱王瑞蘇斯洋等圍攻州城二十一二等日李維鏞劉書堂等連獲勝仗大挫賊鋒二十

三日卯刻卽將子母街一帶賊營攻破斬擒甚多餘
匪退踞小驃川之大覺寺李維鏞劉書堂帶勇乘勝
進剿於二十四日復將大覺寺攻克殲斃杞僞將軍
張僞先鋒及賊黨二百餘名生擒數十名大小驃川
一律肅清城內賊勢益孤王瑞蘇斯洋激勵兵勇奮
力攻剿二十五日當將附城賊壘全數掃平查南安
州城半面依山素稱難守此次被賊占踞逆等另於
城內築爲三營修整堅固蘇斯洋等將城外賊營掃
蕩後卽揮軍由南門越城而入逆等退踞新壘官軍
四面環攻將賊汲水截斷至二十六日丑刻賊勢不

支奪路越城衝逃官軍層層截殺於城內斃賊數百
餘名逃出之賊復跟蹤追剿生擒偽甯南大將軍馬
開寶偽安東大參軍呂鈞音及偽領軍參謀等十一
名就地正法餘匪殲擒無算當將城池克復州境一
律肅清此攻克南安州城之大槩情形也張士進沈
朝覲呂鎮南等進攻楚雄府城該員等及所部兵勇
半係楚雄民籍駕輕就熟一入府境各鄉民人卽紛
紛歸順直薄城下張士進密飭舊部練目李正林李
正德尙宏等暫緩薙髮混入城中勾致內應八月二
十七夜官軍四面攻城正在喫緊李正德尙宏等潛

入府署將逆賊火藥局燒燃霹靂一聲轟倒房屋數
間賊匪倉皇失措李正林乘亂率領難民奪據南門
城樓張士進呂鎮南沈朝覲帶領官軍架梯蟻附而
上分頭抄襲復將東西北三門攻克殲除首從悍賊
四百餘名餘匪越城奔潰官軍追殺六十餘里生擒
杜僞中郎將尹僞大參軍及賊黨多名並將呂合土
城攻克八哨夷匪聞風膽落亦赴營具稟求撫境內
一律肅清此克復楚雄府城之大槩情形也黃文學
等攻剿定遠賊匪先將附城賊壘次第掃蕩四面圍
逼城下黃文學督率所部楊朝鳳黃泰余彭壽蔣世

恩劉全忠等堆積柴捆翻滾而進逼攻西北兩門楊
玉科派往會剿之都司徐聯魁馮長壽蔣宗漢祖大
章等逼攻東南兩門一面挖瀉城濠之水一面開挖
地道該逆晝夜出撲均被官軍擊敗殲斃甚眾先是
張士進克復鹽井收獲偽大司旅馬錫晉據供伊子
及弟均踞定遠縣城情願前往招降獻城贖罪經李
維述派人解至定遠交黃文學督飭辦理日久並無
成效適杜逆派偽大司軍馬金保帶領賊黨數千名
由鎮南來援城內賊匪抗拒益力截獲逆等信件馬
錫晉復蓄謀不軌黃文學恐墮奸計即將該逆仍交

李維述解省辦理一面督兵加力攻城其援賊馬金保一股經李維述派往助剿之千總劉興等帶兵堵剿屢獲勝仗於八月二十九日將該逆匪所踞之松廠子甸河一帶賊壘攻破斬擒甚多馬金保遁往姚州至是定城賊匪望援既絕徐聯魁所挖地道已成黃文學所翻柴堆亦抵城下劉興擊退援賊亦帶兵前來會合夾擊正在挑選奮勇擬由柴堆一面架梯登城一面裝實地道火藥同時並發適有賊目田宗承赴營乞降情願獻城贖罪黃文學查其情詞懇切卽於九月初三日派兵進城勒令該降卒等盡拔出

城當將定遠縣城收復具稟請示辦理前來臣嶽昭
時已到省會同臣毓英覆查定遠賊匪先經馬錫晉
前往招降抗傲不遵及至窮蹙求撫恐未盡出真誠
已飭黃文學畱心查察如果各降目中有傾心效順
者自當予以自新儻有心懷叵測者卽行設法殲除
以絕後患現在昆陽賊匪經張保和圍剿窮蹙亦具
稟到省乞降臣等已飭張保和相機辦理解散脅從
至逆首楊振鵬上負

天恩甘心悖叛實屬罪大惡極臣等會商提臣馬如龍自
當設法殲除以彰

國法斷不容率眾投誠馬忠李廷標潘文元楊福章等
進攻澂江已由下關鳳凰山九村等處分路趨營前
進惟田仲興王正坤等圍攻新興州城日久未下臣
等會商提臣已派參將馬青雲督帶降目段成功蔡
廷棟並由臣毓英添派千總周作祥等各部兵勇降
卒先後前往助剿以期迅拔堅城楊國發等圍攻竹
園賊巢正當得手又有漚兮援賊二千餘名衝至朋
普一帶肆行燒殺以致板斃寨等處夷眾復叛附賊
抄襲官軍後路經楊國發分兵攻剿旋將板斃寨賊
壘攻克斬級甚多而署守備張有能進攻趙林寨賊

壘陣亡臣等恐該處兵力不足已由省抽派都司盧
得志孟朝宗等營兵勇馳往助剿務將竹園老巢迅
速攻拔以通開廣大路其省西土堆餘匪及祿豐縣
城踞賊均因後路斷絕負嵎死拒臣等督飭現圍土
堆各軍添紮聯營十數重環逼賊柵鎗礮晝夜轟擊
每日均斃賊匪數十名該逆日間無路可出每於夜
間分股衝突均經各營嚴密截殺無有漏網其祿豐
縣城亦經李維述加力圍攻均可計日撲滅溯查迤
西髮逆上年傾巢竄省不下十數萬人加以東南叛
附賊黨各屬被脅人民號稱三十餘萬猖獗異常幸

蒙

皇上福威次第克復多城立解省圍現由省城西上直至
楚雄僅有土堆祿豐二處未下共計賊匪不過五千
餘人必須聚而殲旃不畱餘孽其省南之昆陽新興
館驛漣兮及東南之澂江竹園等處雖於上年悖叛
實係多年老巢刻下籌畫西征必先清東南內患徒
剿固不足以示招徠徒撫更不足以儆兇悍臣等惟
有會同提臣安籌辦理殲其渠魁撫其脅從務期處
置得宜永絕後患以仰副

聖主軫念邊陲之至意此次克復城池出力文武員弁容

海國奏言 卷六
臣等查明另行彙案奏懇

恩施其各路打仗陣亡之都司銜補用守備張星署廣西
營守備事千總張有能五品藍翎千總馬興勤武定
營千總唐玉衡守備銜補用千總楊世雄外委薛廷
相嚴鶴齡文生丁文華帶傷五日內身故之游擊銜
補用都司李梓榮立功後在營瘴故之游擊銜補用
都司楊沛都司銜補用守備傅承霖楊朝元守備銜
補用千總唐榮五品藍翎千總沈春六品藍翎把總
吳彩五品銜候選訓導周鳳翔候選從九品班朝貴
張榮等均堪憫惻相應請

旨飭部分別從優議卹以慰忠魂所有添派官軍分路進剿連克楚雄南安定遠等府州縣三城緣由謹合詞恭摺馳陳伏乞

皇太后

皇上聖鑒訓示再此次摺報係臣毓英主彙合併陳明謹奏

會奏安甯逆首馬清及前鹽井馬錫晉易門吳鳳臨
龔紹成均已訊明正法片子

再臣毓英據知府岑毓寶等稟報前次克復安甯州
城逆首偽大司令馬清率領賊黨數百名由西門越
城奔潰經該員會同游擊李廷標等跟蹤追殺一面
知會駐紮祿脹之守備楊謙等迎頭堵剿殲擒殆盡
馬清僅帶從賊數十名由祿豐一面衝逃復經知會
李維述分兵兜拏首從悉數擒獲安甯全股賊匪無
一漏網經李維述訊明將該逆首馬清及前在鹽井
投誠復謀不軌之逆首馬錫晉一併派員解省先行

稟報前來臣恐途中疎忽致令巨逆漏網飛檄駐防
富民縣城之知府鍾念祖就近訊明正法其前次克
復易門縣城擒獲之僞參軍吳鳳臨龔紹成等二名
亦經飭令周廷獻就地正法先後據解首級到省已
由臬司程誠委員驗明理合附片具陳伏乞

聖鑒謹

奏

會奏官軍收復昆陽殲除各逆州境肅清並分剿各

路賊匪摺子

同治八年十月

奏爲官軍收復昆陽州城殲除首要楊振鵬各逆州境
一律肅清並現在分兵剿辦各路賊匪情形恭摺仰
祈

聖鑒事竊臣等前將克復楚雄南安定遠等府州縣賊池
及昆陽賊匪具稟乞降各情形馳

奏在案本年七月間官軍攻克海口時擒獲賊酋馬光
明求免死罪願爲昆陽州城內應經岑毓寶張保和
等察其情詞懇切密遣之迨省城圍解張保和將昆

陽城外賊壘次第蕩平羣賊畏懾軍威馬光明乘機
開導始有乞降之請而逆首楊振鵬自知罪大難容
雖有畏懼之心終懷詭詐之計臣等嚴飭張保和一
面設法解散一面加勁環攻賊勢難支於九月初八
日馬光明帶領城內被脅難民先赴軍前投誠張保
和佯許之初九日馬光明復偕逆黨馬聯魁至營試
探情形張保和仍以好言安慰並遣把總田春芳書
識姚長齡等隨同入城示以不疑而楊振鵬率領匪
黨分踞城內要地抗拒甚嚴遽難得手臣等恐日久
變生當卽商同提臣馬如龍親往昆陽督令張保和

知縣岑毓琦等相機辦理提臣馳抵州城里許之臥
龍莊審察賊情必須先散黨與方能擒斬首逆卽派
游擊張御鶴入城開導漢回均漸釋疑其勢逐次解
散隨飭官軍進城駐紮布置周妥先將賊目馬似良
李巴嘴馬小潘等擒獲解省正法楊振鵬愈覺自危
於二十二日藉稱出見提臣帶領死黨數十人意圖
乘間逃逸經提臣督飭張保和岑毓琦及都司劉自
馨等伏兵東門外四面圍拏當將該逆楊振鵬及助
逆之已革都司馬聯魁把總李濱署昆陽汛外委馬
國楨等一併拏獲立於軍前正法將首級解省呈驗

其餘越城逃竄賊匪復被城外官軍截殺殆盡尙有該逆之胞兄楊振鴻及往來迤西通賊之馬生龍馬周安馬長壽等四名先期逃逸臣等檄飭總兵馬忠設法密捕均經弋獲解省正法城內投誠回人一百餘戶臣等咨商提臣派兵護解分往新興州屬之九村呈貢縣屬之安江村妥爲安置本處漢民均已歸業仍令署知州張啟辰同知劉廷銓等共籌善後州境現已一律肅清臣等伏查昆陽州城距省西南一百二十里中隔滇池舟行一夜可到自咸豐七年被楊振鵬等襲踞本地漢民被其脅從時出竄擾大爲

省城肘腋之患歷任督撫臣派兵進剿均未得手同治元年東南回眾就撫楊振鵬仰蒙

天恩免其重罪官至副將委署總兵乃不知感激圖報竟敢踞城叛逆以致各處回匪望風效尤連陷多城該逆復運糧米火藥接濟附省賊用實屬喪盡天良萬死不足蔽辜今幸仰仗

皇威元兇授首所有著名逆黨悉數殲除積十餘年之巨患一旦盡拔根株實足以快人心而寒賊膽新興軍務復經派往助剿之參將馬青雲降目段成功蔡廷棟會同署總兵田仲興都司王正坤等剿撫兼施九

村一帶賊營相率投誠捆獻西逆首僞大司隸劉綱
僞平虜將軍馬榮科僞驃騎將軍馬天朝及本地賊
目白正坤李正保等交代理澂江府知府黃紫詔督
同代理新興州知州江廷珍訊明就地正法將首級
解省查驗現仍督飭該員等竭力環攻州城務期迅
速恢復其省西土堆餘匪屢欲奪路衝逃均經官兵
嚴密截殺先後殲除過半現在僅有千餘人負壘死
拒臣等不時出城親督各營員弁激勵兵勇人等晝
夜圍攻未稍鬆勁惟祿豐澂江竹園等處逆匪窮極
反噬疊據各員稟報均稱喫緊臣等恐有疎虞已由

省抽派副將何秀林游擊劉重慶守備楊林陸純剛
等各帶所部兵勇馳往祿豐會剿並飭副將張保和
速移昆陽之師前赴竹園辦理以期迅速撲滅此次
昆陽出力人員容臣等查明彙案奏懇

恩施其各路打仗陣亡之都司銜補用守備馬春恩騎尉
陳國賓外委張鼎及縣丞胡錦元武生許文揚記名
把總劉金書李恩榮王順記名外委俞文元魯安國
等均係前敵捐軀深堪憫惻又立功後在營瘴故之
千總馬治安均應請

旨飭部分別從優議卹以慰忠魂所有官軍收復昆陽州

江蘇通志卷之二
城殲除首要楊振鵬各逆州境一律肅清並現在分
兵剿辦各路賊匪緣由謹合詞恭摺馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

會奏妥籌整頓營伍擇任鎮將分路進剿以靖逆氛

摺子

同治八年十月

奏爲遵

旨會議具奏事同治八年七月十五日承准軍機大臣字
寄同治八年六月初九日奉

上諭本日據翰林院侍讀學士馬恩溥奏條陳滇省軍務
事宜四條一摺雲南用兵日久師老兵疲地方糜爛日
甚亟應廣籌方略以期日有起色該學士籍隸雲南情
形較熟所稱精選兵勇於川黔就近招募一二萬人是
否可行周達武之軍能否由永北進剿大理滇餉轉運

應否於瀘州或重慶設局辦理著劉嶽昭岑毓英體察情形咨商四川總督妥籌具奏至吏治與軍務相表裏地方得人則民生樂業軍務亦可漸平滇省官常年來日就廢弛著劉嶽昭岑毓英實心整頓其不能稱職者隨時參劾如有勤勞素著輿情愛戴者亦卽據實保奏原摺均著鈔給閱看將此各諭令知之欽此欽遵寄信前來除設局轉運滇餉業經臣毓英函商四川將軍總督已由崇實吳棠奏奉

諭旨欽遵辦理在案毋庸另行覈議又激勵官常一條臣等恪遵

聖訓認真整頓外查該學士所陳精選兵勇一條原奏內
稱雲南兵勇漢回並用以回兵攻回匪未免同類相
關至於漢民柔懦者不堪用强悍者又多不聽約束
宜於川黔就近募勁勇一二萬人爲正兵用壯聲威
而資進剿選本省兵勇爲鄉導均給口糧而資協剿
此外不在軍營漢回人等令各安本業勿得妄相攻
擊庶免牽制而消反側等語伏查用兵之道選將爲
先苟能用將得人則兵勇之强悍者可使馴良柔懦
者可使奮勇誠如部臣所議天下無必勝必不勝之
兵而有可勝不可敗之將將勇而後兵可強也滇省

回勇固多反側由於營伍廢弛正氣不能勝邪漢勇固多桀驁由於餉需奇絀責備不能過嚴臣毓英前陳滇省軍務八條急欲規復營制籌定月餉選任鎮將冀可力挽頽風職是故也若另募川黔之勇不但人地不習難期得力而費餉既多本省兵勇必難兼顧恐散而爲賊將剿之不可勝剿況新撥四川兩湖江西浙江等省月餉自本年四月二十九日欽奉諭旨辦理迄今六月之久僅據湖北籌解銀四萬五千兩內應撥還江西欠解滇餉項下抵解京餉銀二萬兩此項餉銀先由四川籌款墊解現已在途不日可到

但爲數本屬無多有杯水車薪之慮此外各省新撥
月餉均未據報解有期是滇省月餉尙無實在著落
近來軍務正當得手連克九城並解省圍均無鼓勵
之資臣等萬分焦灼然在本省兵勇猶可責以桑梓
之誼若另募外勇似此餉需不濟難免饑潰之虞現
在滇省新舊調集各路兵勇團練及收獲降卒尙多
若認真挑選可得精銳兵勇六七萬足敷分路進剿
該學士所請另募川黔兵勇一二萬人之處應毋庸
議又所陳分路進兵一條原奏內稱雲南地勢迤西
高而迤東下大理距滇省七百餘里崇山峻嶺仰攻

甚難現聞周達武統領川兵在甯遠越雋防堵何如
卽用此兵以剿爲防抑或四川月餉協滇餉三萬
兩之款酌益周達武之兵俾由鹽源永北一路夾攻
大理以分賊勢杜逆腹背受敵不惟省圍易解大理
亦可指日蕩平等語查杜逆竊踞迤西各城根深蒂
固必須分路進剿方能迅速蕩平臣毓英前陳滇省
軍務八條擬分三路進兵一由三姚永北進剿與該
學士所見略同現在三姚地方已克復大姚定遠兩
縣城祇餘姚州一城尙未收功臣等現飭副將楊玉
科帶兵進攻業已四面合圍又飭參將黃文學駐守

定遠規取永北廳城一俟祿豐克復定遠後路無虞
即可長驅而進至周達武一軍能否以剿爲防臣等
欽遵恭錄

諭旨咨商四川督臣妥籌辦理接准咨覆該軍已

奏明移駐川北防剿陝甘狗匪未能由永北進剿等情
自應毋庸置議就目前滇省情形而論不難於籌兵
而苦於缺餉若得各省照部撥款項源源解濟俾得
激勵士卒乘勝掃蕩自不難於成功相應請

旨飭下湖北湖南江西浙江四川各督撫臣將應撥解滇
省月餉迅速飭司籌撥交滇省委員按月轉運來滇

以資接濟臣等身任疆寄責無旁貸自當悉心妥籌
整頓營伍擇任鎮將分路更番進剿以期早靖逆氛

仰副

聖主軫念邊陲之至意所有臣等遵

旨議奏緣由謹繕摺具陳伏乞

皇太后

皇上聖鑒訓示再此摺係臣毓英主稿合併陳明謹

奏

軍機大臣奉

旨另有旨欽此

會奏補參失守城池知縣革職留營摺子 同治八年十月

奏為補參失守城池知縣請

旨革職留營以觀後效恭摺仰祈

聖鑒事竊查同治六年十月內迤西逆匪先後竄踞武定

元謀祿勸羅次等州縣城業經前護督臣宋廷春將失

守城池文職各員據實

奏參並聲明署元謀縣事揀發知州楊思齊不知下落

容俟查實另行辦理奏奉

諭旨 在案現已查明元謀縣城被陷時該署知縣楊思齊

先期帶領團練在距城六十餘里之馬街要隘防堵

其元謀縣城係由省派往助剿之回員楊先芝在內
駐防十月二十一日逆匪竄撲馬街楊思齊督率團
練正在竭力堵禦不意另股賊匪繞越山後直撲縣
城楊先芝勾通逆匪以致城池被賊襲踞該員楊思
齊聞信馳回救援無及馬街旋亦失守該員帶領團
練退守江邊因武定祿勸羅次等城相繼失陷元謀
來省之路俱已隔絕久未接獲該員稟報嗣於七年
三月內副將楊玉科帶兵繞道四川會理州進攻元
謀該員楊思齊帶領團練助剿隨同克復縣城復經
楊玉科暨知府鍾念祖先後派委該員前往沿江八

馬地方安撫夷眾於八年七月內安撫事竣由藩臬
兩司札調該員晉省取具親供詳請補參前來臣等
伏查元謀縣城雖因回員通賊變由內生與攻陷失
守者不同該員楊思齊先期帶團在外防剿聞信馳
回救援無及情有可原但職司守土咎有應得相應
請

旨將署元謀縣事同知借揀知州楊思齊卽行革職該員
於失守後退守江邊旋帶團勇隨同官軍恢復城池
尚屬自知愧奮合無仰懇

天恩免其按律定擬仍畱軍營差遣以觀後效之處出自

會奏游擊蘇開元疎防監犯參請革職畱營並蔡杜
氏仍交馬如龍嚴加約束及訊明楊鳳翔劉映山
張開祥馬光耀四逆正法片子

再前官軍收復嵩明州城拏獲逆首杜汶秀之女蔡
杜氏及該逆本宗堂姪楊鳳翔又攻克黑鹽井時拏
獲僞大司隸劉綱之子劉映山分別看管禁錮飭令
招降逆首贖罪又因澂江回匪踞城復叛當將羈縻
在省之澂江匪目馬良驥張開祥馬光耀等拏獲飭
司審辦均先後

奏明在案因馬良驥等供詞狡展當將游擊蘇開元撥

逾格鴻施謹合詞恭摺具陳伏乞

皇太后

皇上聖鑒訓示謹

奏

軍機大臣奉

旨著照所請該部知道欽此

海國表奏
臣等謹將
元陳防監犯參請革職留營並禁杜

會奏游擊蘇開元疎防監犯參請革職畱營並蔡杜
氏仍交馬如龍嚴加約束及訊明楊鳳翔劉映山
張開祥馬光耀四逆正法片子

再前官軍收復嵩明州城拏獲逆首杜汶秀之女蔡
杜氏及該逆本宗堂姪楊鳳翔又攻克黑鹽井時拏
獲僞大司隸劉綱之子劉映山分別看管禁錮飭令
招降逆首贖罪又因澂江回匪踞城復叛當將羈縻
在省之澂江匪目馬良驥張開祥馬光耀等拏獲飭
司審辦均先後

奏明在案因馬良驥等供詞狡展當將游擊蘇開元撥

兵看管候質乃該員並不嚴加防範致馬良驥一犯於八月初一日夜間乘間逃逸現據土堆逃出難民報稱該逆已在土堆賊營與官兵打仗帶傷諒難漏網惟蘇開元於發交看管要犯竟致疎脫實屬咎有應得相應請

旨將補用游擊蘇開元卽行革職仍畱軍營差遣以觀後效又蔡杜氏一犯其夫蔡廷棟業已招降現在新興隨同官軍打仗出力可否仰懇

天恩免其死罪仍交提臣馬如龍嚴加約束伏祈

訓示遵行至楊鳳翔劉映山二犯辦理招降毫無成效張

開祥係澱江著名賊目馬光耀亦從逆多年均屬法
無可貸經臬司程誠訊明具詳前來當於同治八年
九月二十五日恭請

王命將逆犯楊鳳翔劉映山張開祥馬光耀等四名正法
臬示以昭炯戒理合附片陳明伏乞

聖鑒謹

奏

軍機大臣奉

旨著照所請該部知道欽此

江表傳

卷之八

三

會奏昭通回務就緒川援即可撤回摺子

同治八年十一月

奏爲昭通回務現已漸有就緒援軍於此事竣後即可遣撤回川恭摺仰祈

聖鑒事竊查上年十二月間尋甸賊勢披猖省城後路喫緊臣岑毓英奏奉

諭旨著崇實吳棠迅派得力將弁酌帶兵勇由東川曲靖分路援應等因欽此並咨明川省俟滇省解圍即將援軍遣撤決不久爲川累崇實吳棠念切救鄰立派提督唐友耕統軍六千馳來援應臣劉嶽昭派軍正攻尋甸咨請由東川取道會剿尋匪以顧省城後路嗣

經果後各營將尋甸州城克復臣又咨請開拔赴省以固根本無如援軍甫經入境奸匪造先滅昭回之謠回民疑懼交深聚眾搶劫遂致大路梗阻漢民愈滋口實疊次要求地方文武必欲援軍剿回以洩其平日之憤臣與臣岑毓英及提臣出示開導並委員前往解散其時漢回固結甚堅援軍不能前進閱時已半年之久臣劉嶽昭再四思維飭令總兵全祖凱帶兵馳往先將營盤分守要隘保護漢民村寨一面嚴拏爲首滋事之人並解散脅從之眾以免糜爛完善之區又恐兵力不濟加委副將楊盛宗知府孔昭

鈐添募練勇相機會辦無如禍亂已成回眾鋌而走
險漢民牢不可破全祖凱及委員等甫至昭通漢民
卽擁眾至全祖凱行營圍鬧藐抗不遵而唐友耕復
言後路空虛該文武等不得不畱援軍剿辦但援軍
重在省圍豈能中道而止昭魯旣生回釁亦須俯順
輿情臣劉嶽昭又咨請唐友耕察看情形酌畱數營
在昭餘仍開拔赴省以期兩益前於八月十七日在
曲靖行營具

奏在案到省後接據楊盛宗孔昭鈐等稟稱唐軍在昭
恐與職等意見不合漢民有所藉口必至仍蹈前轍

無益地方等語當卽批飭迅速前往已據稟報帶領
兵勇一千二百名赴昭會辦又本年十月十六日承
准軍機大臣字寄同治八年九月十七日奉

上諭唐友耕一軍前據崇實等奏稱該處文武稟畱當諭
令劉嶽昭從長辦理茲據奏稱唐友耕籍隸昭通所部
實係滇練肆口復仇致魯甸威甯各處回民疊出剽掠
該軍與之接仗數次互有損傷現在東昭大路復多梗
塞等語此聞回民間謠自固與公然叛逆者不同唐友
耕既經崇實等派令援滇何得以先辦昭回爲名使漢
回從中生釁卽著崇實吳棠嚴飭該提督趕緊拔隊前

進不准藉詞逗遛劉嶽昭亦當迅飭孔昭鈐等相機妥
辦如唐友耕仍執成見玩視省城並著劉嶽昭等據實
參奏等因欽此伏查前准崇實吳棠來咨以川滇相距
數千里礙難遙度軍情援軍進止機宜悉決之於臣
等現又接准移咨錄送奏稟所有唐友耕近日接仗
情形業經入

告並請

旨飭下臣等就近妥商從長辦理今唐友耕統兵在昭將
及十月經臣劉嶽昭具

奏之後力圖振作剿撫兼施頗稱得手又據全祖凱稟

稱昭屬之黑石坳魚脊水營五里坳等處匪首李文
撒得明薛瑞麟李文鳳等率眾抗拒本年十月初一
初二初三等日出隊接仗均有斬擒初七日該鎮督
飭滇軍攻剿賊巢生擒賊首馬有福馬六十一等正
法並斃匪數十名千總李洪陣亡初八日收復長寨
脅從之夷目安士奉等均各投誠隨即安撫附近村
寨十餘處頃據東川營參將劉萬勝稟報川軍圍攻
賊壘回眾窮蹙業已獻首乞降以昭魯回務論之本
因懷疑生變現在既有就緒自應由唐友耕辦理完
結以免兩岐臣岑毓英原案俟省圍解後即將援軍

遣撤現在雲南省圍已解本省兵練足敷調遣援軍
將此事告賊即可遣撤回川俾符原案而紓餉力其
未盡事宜仍由 臣等督飭各該文武隨時相機辦理
用期周密除咨明四川將軍督 臣及唐友耕外所有
昭通回務漸已就緒援軍於此事竣後即可遣撤回
川緣由謹合詞繕摺由驛具陳伏乞

皇太后

皇上聖鑒訓示謹

奏

軍機大臣奉

漁樵琴譜

卷六

旨另有旨欽此

會奏督攻附省土堆即可肅清片子

再查附省土堆悍匪經臣等隨時出城親督各營員
弁晝夜圍攻先後斬擒餘賊過半該匪仍敢負壘死
拒將土堆村內分築十餘壘村外環築碉樓四面俱
有水濠三道寬深數丈又踞紅廟相爲犄角勢甚披
猖十一月初五日臣等親赴先鋒營督飭李家福鍾
福俊吳永安蔡錦青蕭德揆廖士彥岑毓寶邵天貴
吳奇忠譚美李朝相李國棟等挑選奮勇許以重賞
翻草填濠進攻期於必克兵勇人人用命攻至初六
日丑刻賊勢不支官軍越濠而進當將紅廟賊壘及

土堆村外賊碉十四座全行攻克臣等卽在營盤駐
紮連日均未撤隊初七八等日用開花田雞洋礮及
萬斤大礮轟擊先後斃賊五百餘名賊已窮蹙尙有
悍匪一千餘名臣等晝夜督兵力攻日內卽可肅清
理合先行附陳伏乞

聖鑒訓示謹

奏

軍機大臣奉

旨另有旨欽此

會奏補參失守州城文職各員摺子

同治八年十一月

奏爲補參失守州城文職各員請

旨卽行革職以肅功令恭摺仰祈

聖鑒事竊查上年正月內迤西逆匪大股下竄圍逼省垣
先後襲踞昆陽新興晉甯呈貢嵩明尋甸等州縣城
池該州縣文武各官均不知下落業經前護督臣宋
廷春由驛具

奏並另案陳明嵩明尋甸兩州失守城池之文武各員
容俟確查實在下落另行覈辦等情奏奉

諭旨此案彼時因該逆竄撲省垣各路均被阻塞未得確

切探報現已逐一查明嵩明州地方因回弁馬盈洲
串通從逆之馬汝成楊先芝馬添順等於七年二月
二十二日將該州城池暗行襲踞其署嵩明州知州
事試用同知定森先期奉委在楊林捐辦糧米交收
後旋署不料馬盈洲早令內奸引導賊匪入城直入
衙署即將該署收捆禁屢欲加害經紳糧等力爲解
救仍復幽閉密室派人看守以致求死不得迨至本
年賊勢窮蹙防範稍疎始於三月十九日乘間逃出
又尋甸州知州伊勒通阿於六年十一月二十八日
到任七年正月西逆竄擾附近州縣該牧親赴各鄉

齊團紮營堵禦要隘正在料理間接據密報城內回
眾與西逆勾通剋日舉事該牧馳回州城傳集紳民
加意撫輯欲安反側詎意城外之賊已與城內連合
同時並闖衙署居民槩被搶擄旋將該牧捆禁密室
派人看守求死不能迨至本年三月該逆被剿窮蹙
防範稍鬆乘間逃出惟查嵩明尋甸兩城失守均係
逆匪勾通奸細自內生變猝不及防與外匪攻陷者
有閒該牧等雖無棄城逃避及甘心忍辱情事究屬
職司守土均有應得之咎茲據藩臬兩司查明詳請
奏參前來臣等覆查無異相應據實參

奏請

旨將署嵩明州事試用同知定森尋甸州知州伊勒通阿
一併革職畱營効力贖罪儻再不知愧奮身行從嚴
參辦所有補參失守州城文員職名各緣由謹合詞
恭摺附驛具

奏伏乞

皇太后

皇上聖鑒訓示謹

奏

軍機大臣奉

旨著照所請吏部知道欽此

會奏川滇官軍剿撫昭通並水營等處現已一律肅

清摺子 同治八年十二月

奏爲川滇官軍辦理昭通回務剿撫兼施攻克水營魚脊黑石坳等處賊巢現已一律肅清恭摺仰祈

聖鑒事竊臣等於本年十一月十一日將昭通回務漸有就緒緣由合詞馳

奏在案拜摺後疊准提督唐友耕咨報打仗獲勝擒斬首犯李本終等並接四川將軍督臣來咨抄送奏稿所有詳細情形業經由川具奏計已仰蒙

聖鑒未敢再事瀆陳查昭魯漢回起釁之初臣劉嶽昭卽

派總兵全祖凱帶隊前往相機辦理旋又添委知府
孔昭鈞副將楊盛宗馳往會籌剿撫以期迅速戴事
十月十七日全祖凱督同總兵陳遐齡參將馬麟飛
進攻水營賊壘並派游擊王正昌涂開科楊再清等
堵截黑石坳魚脊兩路援匪官軍與賊接仗自辰至
午攻克新營五里坳兩巢斃匪一百餘人十八十九
二十二二十二等日逼攻魚脊該匪勢窮計竭愈覺驚
惶於二十三日回目馬世有撤得明劉忠開率眾赴
全祖凱行營乞降並呈繳軍械數百件其時水營黑
石坳負固依然突出悍匪數百於二十七日攻撲我

軍礮樓參將馬麟飛帶隊擊退游擊熊財興中礮陣
亡十月二十八至十一月初九等日全祖凱分派各
軍進取水營黑石坳兩巢四面合圍將水營攻破生
擒僞元帥劉忠貴匪首薛正紀薛正萬羅解匠等十
餘名正法斃匪八十餘名救出難民數百分別安置
其黑石坳老巢本極兇獷地勢亦堅該匪出仗被官
軍擒斬最多一聞水營已破賊膽愈寒自願捆獻爲
首滋事之人呈繳軍械全祖凱恐其詐降當將隊伍
層次環列分派委員鄒煒梁焯等親入巢內逐一查
點其中回民僅六百餘人老弱過半且多被脅入夥

均願繳械投誠全祖凱勒兵於外飭獻首匪十四十五等日搆出僞元帥楊慶芝木存柱馬萬俊馬萬鵬馬萬升僞統領劉忠禪馬德馬定柱李文籠李文萃李文貴胡萬春曾玉柱並捕獲稔惡之余練頭趙么余美美趙黑巴陳狗兒安福壽辛五臧長春楊小喜楊昭等共五十三名解至昭通府城由護知府李應華等訊明正法地方一律肅清至於善後事宜孔昭鈞與該文武從長籌議全祖凱並請移駐汛防以資分守各等情先後具報前來臣等查此次昭魯回亂李本終實係罪魁先因未解省圍難分兵力幸賴四

川將軍崇實督臣吳棠派令提督唐友耕援滇先固藩籬拔除禍本故能迅速蕆事惟現在漢民失業困苦最多而良回散漫無歸仍屬可慮先剿者就一時而言求治者必多方以計臣等已嚴飭地方印委各員訪查奸匪庶免遇事生風其漢回產業輻輳太多只須就緒理絲未可操之過急轉滋變亂以期仰副朝廷綏靖邊陲之至意至此次剿撫防守該文武員弁均有辛勞合無仰懇

天恩俯准將異常出力之署昭通鎮印務提督銜騰越鎮總兵確勇剛勇驤勇巴圖魯全祖凱

賞換清字巴圖魯名號總兵陳遐齡遇有總兵缺出請

旨簡放儘先參將全玉品以副將畱滇儘先補用儘先參

將陳貽舉

賞加副將銜參將銜儘先游擊馬麟飛以參將畱滇儘先

補用並

賞加副將銜儘先游擊鄧經忠以參將儘先補用藍翎把

總林志良免升千總以守備儘先補用並

賞換花翎護昭通府事補用同知直隸州石屏州知州李

應華開缺免補同知直隸州以知府用同知銜候選

知縣彭緒瑄

知縣彭緒瑄
賞給正五品封典指發廣西試用州同全慶以同知仍畱
廣西儘先補用候選從九品鄒煒梁焯均免選本班
以州判畱滇儘先補用並

賞戴藍翎之處出自格外

鴻慈其餘查明彙案請獎至打仗陣亡之補用游擊熊財
興昭通鎮左營左哨千總李洪把總馬君榮投効四
川武舉楊逢春東川營左軍額外錢忠祿候選從九
品彭緒瓚擬保把總軍功楊福昌羅鴻儒等八員名
相應請

旨飭部從優議卹以慰忠魂所有川滇官軍辦理昭通回

務攻克水營魚脊黑石坳等處賊巢現已一律肅清
緣由謹合詞繕摺馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

附奏擬撤楚軍以節川餉片子

再臣所部果後營楚勇本係六千餘名隨臣轉戰湖南湖北廣西江西四川陝西貴州等省十有餘年均能出力上年臣入滇之時准前署四川督臣崇實咨會以二千五百名歸臣統帶入滇助剿以二千八百名撥交四川候補道劉嶽曙統帶防黔均經先後

奏明在案楚軍入滇後克復尋甸塘子救援貴州普安並會合滇軍力解省圍防堵各隘亦皆剿苦惟臣察看近日情形雲南民兵較多足資防剿本省協餉原係仰給四川而楚軍口糧亦復由川撥解雖接濟隨

時而持籌非易且以道途較遠轉運爲難每有緩不濟急之勢況滇軍就地調派口糧甚輕若以楚軍較之未免懸殊以川餉論之又須分解似應撤去楚軍並歸協餉臣與撫臣自當懍遵

聖訓遇事和衷庶無彼此之分章程又歸畫一但現在附省甫就肅清東路又不容稍懈所有楚軍二千五百人仍令分駐省城曲靖尋甸馬龍等處並會剿澂江新興踞逆一俟兩城克復之後則東路可以無虞滇軍亦數分布臣卽將楚軍分別撤去俾節川餉除咨會四川將軍督臣外理合先行陳明謹

奏

軍機大臣奉

旨知道了欽此

卷之三

三

三

